

## **BASE PARA A CONTRATACIÓN DE PERSOAL POLA FUNDACIÓN USC DEPORTIVA**

A Fundación USC Deportiva procede a convocar un posto de traballo como Técnico Deportivo con Especialidade en Actividades Acuáticas de acordo coas seguintes:

### **1. OBXECTO DA CONVOCATORIA**

O obxecto da convocatoria é a cobertura dun posto de traballo con carácter fixo descontinuo técnico deportivo con especialidade en actividades acuáticas na Fundación USC Deportiva.

A praza que se convoca é para cubrir unha vacante de persoal fixo descontinuo seleccionado no proceso de selección de 30 de xuño de 2011.

As características particulares da praza figuran a continuación:

- A encarga persoal da actividade deportiva en actividades acuáticas e multidisciplinar que lle sexan asignadas pola actividade de funcionamento da Fundación USC Deportiva, sempre que non excedan a quenda de traballo diaria.
- O contrato será por un total de horas de cómputo durante o tempo que dure este.
- O inicio da contratación con carácter xeral, será no momento en que se acade o número mínimo de usuarios na actividade correspondente á praza.
- As retribucións económicas e demais dereitos inherentes ao posto de traballo serán os establecidos no III Convenio Colectivo de Instalacións Deportivas e Ximnasios da Comunidade Autónoma de Galicia.

NOME DA PRAZA	CÓMPUTO DE HORAS
Técnico Deportivo con Especialidade en Actividades Acuáticas	1.080 h.

#### **a. Funcións:**

- Realización das tarefas dun técnico deportivo de actividades acuáticas en grupos de diferentes idades.
- Acompañamento ás competicións aos diferentes grupos de deportistas, en caso de que existan.
- Realizar as tarefas de control e asistencia dos diferentes grupos.
- Planificación e programación das sesións.

### **2. PUBLICACIÓN DA CONVOCATORIA**

A presente convocatoria publicarase na páxina web da Fundación USC Deportiva ([www.fundacionuscdeportiva.org](http://www.fundacionuscdeportiva.org)) no seu portal de Emprego.

### 3. SOLICITUDES E PRAZO DE PRESENTACIÓN

As/Os interesadas/os nesta convocatoria que reúnan os requisitos establecidos nas bases da mesma presentarán as súas solicitudes directamente na sede da Fundación USC Deportiva en horario de 09:00 – 15:00 horas de luns a venres sito en Edificio Feuga, Rúa Lope Gómez de Marzoa, Despacho número 3, 15705, Santiago de Compostela.

As/Os interesadas/os nesta convocatoria tamén poderán presentar as súas solicitudes mediante correo certificado, nos termos previstos no Real Decreto 1829/1999, de 3 de decembro, que aproba o Regulamento dos servizos postais, e deberán ser remitidas á Sede Social da Fundación USC Deportiva, sito en Edificio Feuga, Rúa Lope Gómez de Marzoa, Despacho número 3, 15705, Santiago de Compostela. Neste caso, o solicitante deberá xustificar a data do envío e anunciar á Fundación USC Deportiva a remisión da documentación mediante correo electrónico ([info@fundacionuscdeportiva.org](mailto:info@fundacionuscdeportiva.org)) ou burofax o mesmo día.

As/Os candidatas/os cubrirán obrigatoriamente a súa solicitude segundo o anexo que se xunta como **INSTANCIA DE SOLICITUDE**.

O prazo de admisión de solicitudes será de dez (10) días naturais, contados a partires do dia seguinte ao da súa publicación na páxina web da Fundación USC Deportiva. As/Os candidatas/os deberán ter en conta o seguinte:

- Non serán admitidas ao proceso as solicitudes que non se reciban na forma e prazo establecido.
- Achegar a **INSTANCIA DE SOLICITUDE** cuberta correctamente.

### 4. REQUISITOS

#### 4.1.: Serán requisitos xerais para participar no proceso selectivo:

- a) Ter cando menos 16 anos de idade.
- b) Non padecer enfermidade nin limitacións físicas ou psíquicas incompatibles co normal desempeño das tarefas ou funcións correspondentes á actividade a desenvolver. As persoas con algúna discapacidade deberán facelo constar na súa solicitude, sinalando se precisan de adaptación das probas.  
A discapacidade e a súa compatibilidade acreditaranse con certificación da Delegación Provincial de Sanidade e Servizos Sociais.
- c) Dominio dos idiomas galego e castelán.
- d) Nacionalidade: Poderán optar as persoas que estean nalgunha das seguintes circunstancias:
  - Ser español.
  - Posuir a nacionalidade de algún dos demais Estados membros da Unión Europea ou de algún Estado ao que en virtude dos Tratados Internacionais celebrados pola Unión Europea e ratificados por España sexa de aplicación a libre circulación de traballadores.

Tamén poderá participar, calquera que sexa a súa nacionalidade, a/o cónxuge das/os españolas e das/dos nacionais de algún dos demais Estados membros da Unión Europea e, cando así o prevea o correspondente Tratado, a/o das/os nacionais de algún Estado ao que en virtude dos Tratados Internacionais celebrados pola Unión Europea e ratificados por España sexa de aplicación a libre circulación de traballadoras/es, sempre que non estean separadas/os de dereito.

Así mesmo, coas mesmas condicións, poderán participar as/os seus descendentes e as/os do seu cónxuge, menores de vinte e un anos ou maiores de dita idade que vivan ás súas expensas.

Tamén poderán participar as persoas que non estando incluidas nos parágrafos anteriores viven en España en situación de legalidade e sexan titulares dun documento que lles habilite a residir e a poder acceder sen limitacións ao mercado laboral. En consecuencia, poderá participar quen estea en situación de residencia temporal; en situación de residencia permanente; en situación de autorización para residir e traballar, así como as/os refuxiadas/os.

Deberanse ter os requisitos establecidos nos apartados anteriores no momento de finalizar o prazo de presentación de solicitudes, ademais de gozar dos mesmos durante o proceso selectivo e na data de producirse a oportuna contratación.

e) Posuir e acreditar a titulación esixida ou os requisitos esixidos na convocatoria ou estar en condicións de obtela dentro do prazo de presentación de solicitudes.

g) Estar en posesión do carné de conducir, polo menos de categoría B.

#### 4.2.: Requisitos particulares para esta bolsa de traballo:

##### TITULACIÓN MÍNIMA REQUIRIDA

- Adestrador de natación Nivel I

**NOTA:** a titulación de Grao ou Licenciatura en Ciencias da Actividade Física e do Deporte ou Técnico Superior en Animación de Actividades Físico-Deportivas, habilitan para acceder a esta convocatoria.

## 5. DOCUMENTACIÓN A APORTAR COA SOLICITUDE

As/Os solicitantes deberán aportar necesariamente coa solicitude os seguintes documentos:

- Copia do DNI, ou no seu defecto, copia do Pasaporte ou da Tarxeta de Residencia.
- Curriculum vitae actualizado con copia de toda a documentación acreditativa dos méritos alegados no mesmo relacionados directamente con estas bases.
- Copia da titulación solicitada no punto 4.2 das bases da convocatoria.
- Acreditación do coñecemento do castelán para aspirantes estranxeiros.
- Copia do carné de conducir, polo menos da categoría B.
- Anexo I debidamente cumplimentado.

A Fundación USC Deportiva, gárdase o dereito a solicitar aos participantes en calquera momento do proceso ou no momento da contratación, a documentación orixinal ou compulsada que entregou durante o proceso para cotexar a mesma.

## 6. ADMISIÓN

### 6.1 Relación de aspirantes admitidos

Unha vez rematado o prazo de presentación de solicitudes farase pública na páxina web da Fundación USC Deportiva ([www.fundacionuscdeportiva.org](http://www.fundacionuscdeportiva.org)) a relación provisoria de persoas admitidas e excluídas do proceso selectivo.

As/Os interesados disporán de cinco (5) días naturais, contados a partir do día seguinte ao da publicación da relación provisoria, para corrixir o defecto que motivara a exclusión ou omisión das relacións de admitidos. En todo caso, ao obxecto de evitar errores e posibilitar a súa corrección en tempo e forma, as/os aspirantes comprobarán que non figuran recollidos na relación de persoas excluídas e, ademais, que os seus nomes constan na correspondente relación de persoas admitidas. Aquelas/es que dentro do prazo non corrixan a exclusión ou reclamen a omisión, xustificando o seu dereito a estar incluídas/os na relación de persoas admitidas, serán definitivamente excluídas/os do proceso.

Transcorrido o prazo para a emenda de errores ou deficiencias farase pública a relación definitiva de candidatas/os admitidas/os na páxina web da Fundación ([www.fundacionuscdeportiva.org](http://www.fundacionuscdeportiva.org)).

A partir do momento da corrección de errores, non se poderán modificar os contidos da solicitude, agás os referentes a datos que se orixinaran por mor de cambio de domicilio ou de número de teléfono.

---

## 7. COMISIÓN DE VALORACIÓN

---

A Comisión de Valoración terá como función a de coordinar e executar e valorar o proceso de selección, de acordo cos principios de igualdade, mérito e capacidade velando polo estrito cumprimento do principio de igualdade de oportunidades entre ambos os dous sexos.

A Comisión de Valoración poderá ser auxiliada e nomear a cantos asesores e especialistas que considere oportuno para o axeitado desenvolvemento do proceso.

A Comisión de Valoración será nomeada e publicada na páxina web da Fundación USC Deportiva antes do comezo do proceso selectivo.

---

## 8. SISTEMA DE SELECCIÓN

---

O procedemento de selección constará das seguintes fases:

**FASE I.** Valoración de méritos. Segundo a táboa seguinte valorarase o currículum vitae de cada unha/un das/dos candidatas/os. A Comisión poderá establecer unha puntuación mínima para ser convocados á Fase II.

**FASE II.** Entrevista persoal. Será publicada unha listaxe co día, a hora e o lugar de realización da entrevista na páxina web da Fundación USC Deportiva ([www.fundacionuscdeportiva.org](http://www.fundacionuscdeportiva.org))

Nesta segunda fase os candidatos e candidatas deberán presentar a identificación correspondente co seu DNI ou Pasaporte orixinal, en ambos casos en vigor. No suposto de atoparse en situación de renovación de ditos documentos, os candidatos e candidatas deberán aportar acreditación de estar en proceso de renovación.

A falta de puntualidade/presentación das/dos candidatas/os respecto ao día e hora da súa convocatoria na entrevista implicará a exclusión automática e definitiva do proceso de selección -agás causa de forza maior, debidamente xustificada, e libremente apreciada pola Comisión de Valoración-, sen que se xere dereito algúm ao seu favor.

Rematada esta última fase, determinarase a relación final de candidatas/os seleccionadas/os na páxina web da Fundación USC Deportiva.

O baremo de puntuación figura na táboa seguinte.

BAREMOS DE PUNTUACIÓN		MÁXIMO
FASE I	VALORACIÓN DE MÉRITOS	
		50
1. FORMACIÓN ACADÉMICA (1)		12
- Licenciado ou Graduado en Ciencias da Actividade Física e do Deporte		6
- Técnico Superior en Animación en Actividades Físicas e Deportivas		3
- Máster relacionado directamente coas funcións do posto de traballo		3
2. FORMACIÓN TÉCNICO DEPORTIVA RELATIVA Á PRAZA		5
- Adestrador Natación Nivel III		3
- Adestrador Natación Nivel II		2
3. FORMACIÓN COMPLEMENTARIA RELATIVA Á PRAZA (2)		2
4. COÑECIMENTO LINGUA GALEGA		1
- Por estar en posesión do Celga 2		0,40
- Por estar en posesión do Celga 3		0,60
- Por estar en posesión do Celga 4		1
5. EXPERIENCIA (3)		30
- Experiencia na mesma categoría ou equivalente na Fundación USC Deportiva (0,65 puntos por mes)		
- Experiencia na mesma categoría ou equivalente en Administracións públicas ou entidades vinculadas á mesma (0,35 puntos por mes)		
- Experiencia na mesma categoría ou equivalente en entidades privadas (0,15 puntos por mes)		
FASE II (4)	ENTREVISTA PERSOAL (4)	30
MÁXIMO TOTAL		80

- (1) Estar en posesión dun Máster impartido por centros de titularidade pública ou privada homologados e relacionados directamente coas funcións a desempeñar (1 punto por Máster cun máximo de 3)
- (2) Valoraranse cursos con CERTIFICADO DE APTITUDE OU APROVEITAMENTO, emitidos por organismos oficiais (Administración Estatal, Autonómica e Local), Universidades, Federacións Estatais ou Autonómicas e outros realizados no estranxeiro, igualmente, con certificado dalgún organismo semellante ou equivalente. Así

como de Entidades Privadas pero coa metade de puntuación que as primeiras. Non se puntuarán aqueles que teñan menos de 10 horas. A puntuación para organismos oficiais, Universidades e Federacións será:

Entre 10 e 40 horas: 0,10 puntos (0,05 Entidades privadas)

Entre 41 e 100 horas: 0,25 puntos (0,12 Entidades privadas)

Máis de 100 horas: 0,50 puntos (0,25 Entidades privadas)

(3) Valorarase a experiencia amosada con **CONTRATOS EFECTIVOS DE TRABALLO E INFORME DE VIDA LABORAL** expresada en meses completos en actividades semellantes ás correspondentes á praza. Para a XUSTIFICACIÓN é necesario entregar **contrato de trabalho e informe de vida laboral**.

(4) Valorarase:

- Nela o tribunal fará preguntas sobre o currículo presentado e terá como finalidade acreditar as competencias e habilidades das persoas candidatas e o seu coñecemento sobre as actividades que poderán impartir.
- Interese e motivación, capacidade de traballo en equipo, dotes comunicativas, capacidade de ensinanza, iniciativa, toma de decisión, dinámica de grupos.

---

## 9. RESULTADOS DO PROCESO

---

A resolución definitiva do proceso de selección que se publique abranguerá a relación de candidatas/os seleccionadas/os, por estrita orde de puntuación final. Contra dita resolución, as/os candidatas/os poderán interpoñer reclamación motivada no prazo máximo de cinco (5) días naturais, contados a partir do dia seguinte ao da súa publicación, que será resolta pola Comisión de Valoración.

De producirse empate na puntuación, a orde de desempate será a seguinte sen prexulzo de aplicación do disposto no artigo 37 da Lei 7/2004 de Galicia:

1. Puntuación obtida no apartado da Experiencia
2. Puntuación obtida no apartado de Formación Académica
3. Sorteo. Poderán estar presentes os candidatos/as.

A proposta firme da Comisión remitirase á Presidencia da Entidade para a formalización do correspondente contrato.

Unha vez rematado o proceso selectivo os/as candidatos/as poderán recoller a documentación presentada na sede da Fundación solicitándoa por escrito a través de mail ([info@fundacionuscdeportiva.org](mailto:info@fundacionuscdeportiva.org)). De non retirarse no prazo de tres meses procederese a súa destrucción.

---

## 10. LISTA DE AGARDA

---

Para o suposto de quedar vacante por renuncia ou baixa voluntaria, ou por suspensión legal do contrato, procederese a realizar a contratación da/o aspirante que sigan a orde á/o última/o seleccionada/o da praza.

A lista de agarda derivada deste proceso estará vixente mentres non sexa substituída por outra específica ou se inclúa nunha lista xeral para listas de agarda.

## 11. DISPOSICIÓN FINAIS

A Fundación USC Deportiva resérvase o dereito a realizar as xestións que considere oportunas para comprobar a veracidade e autenticidade da documentación xustificativa dos requisitos -así como de calquera outra-, aportada pola/o aspirante seleccionado/a con carácter previo á formalización do contrato. Calquera anomalía ou irregularidade detectada implicará a exclusión automática e definitiva do proceso selectivo, da relación de candidatos/as seleccionados/as e da lista de agarda, no seu caso, sen que se xere ningún tipo de derecho ao seu favor.


Durante o desenvolvemento do proceso, a Comisión de Valoración poderá realizar calquera comunicación aos/ás candidatos/as por escrito ou telefonicamente, en base aos datos de "localización" indicados na solicitude; por este motivo, os interesados comprométense a manter actualizados ditos datos durante o proceso de selección, comunicando con suficiente antelación calquera variación dos mesmos.

Con carácter previo á formalización do contrato de traballo, a Fundación USC Deportiva requirirá a achega de todos os documentos que se consideren esixibles e que non foran entregados durante o proceso de selección.

O contrato que se asine estará suxeito ao período de proba regulado no artigo 14 do Estatuto dos Traballadores, actuando como órgano de contratación da Fundación o seu Xerente. Aos contratos de traballo seralles de aplicación o disposto no vixente III convenio colectivo de instalacións deportivas e ximnasios da comunidade autónoma de Galicia.

A Fundación USC Deportiva garante a absoluta confidencialidade de todos os datos derivados do proceso selectivo que afecten as/os candidatas/os; así mesmo, se garante a protección dos datos de carácter persoal, en cumprimento do establecido no regulamento (UE) 2016/679 do Parlamento Europeo e do Consello de 27 de abril de 2016.

En Santiago de Compostela a 20 de novembro de 2018



Antonio López Díaz  
Presidente Fundación USC Deportiva